



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IV. Chelidonius Episcopus Vesontionensis deponitur ab Hilario, quia
internuptam duxerat, & quia capitali aliquos sententia condemnaverat.
Qui judicio non adquiescens, Romam se contulit ad Leonem Papam.

urn:nbn:de:hbz:466:1-15617

per provincias sequeretur, & quod ignotos invitatis populis Episcopos daret. Fatalis fuit illud aeo Leonis in Vi-

caris apostolica sedis.

X. Leo adversus Hilarium decernit uti suis unusquisque limitibus ac terminis contentus esset, & ne quis privilegium sibi debitum transferre in alium presumeret.

X. Deinde Hilario adimit potestatem congregandi Concilia generalia, illum preterea privans auctoritatem metropolitam in provincia Viennensi.

XI. Tribuit Leonio Episcopo Foroiulieni auctoritatem convocandi Concilia generalia. Sed tamen multo sale constitutionem illam condidit, ut Gallicanorum Episcoporum consensum eliceret.

I. **A**MPLIFICANDÆ auctoritatis sua studiosus Hilarius Episcopus Arelatensis, ambitionem suam canone ecclesiastico firmari procuravit in Concilio Arelatensi secundo, quod generale erat ex provinciis Gallicanis circum Arelatem positis. Sed antè quam de re ipsa agamus, necessarium videtur constitutere tempus istius synodi, *cum exploratum haecenue, ut Sirmondus ait, de Concilij istius tempore nihil sit.* Recte censuit idem vir eruditissimus posterius illud fuisse Arausiano & Vasensi, *quorum ex canonibus Concilij hujus canones pro parte contexti sunt.* Sed in hoc, ut mihi quidem videtur, humani aliquid passus est, quod habitum putavit sub Ravennio Arelatensi Episcopo, qui succedit Hilario. Nam cùm constet temeritatem Hilarij, qui magnas synodos propria auctoritate congregabat intra Gallias, à sancto Leone reprehensam esse epistola scripta anno quadragesimo quadragesimo quinto, locus non est dubitandi quin synodus illa habita fuerit ab Hilario, adversus quem Leo incanduit ob hanc ipsam causam. Neque verò ego id dico, sed illustrissimus Archiepiscopus, qui adnotat synodum illam esse constituendam inter annum CDXLII. & CDXLV. quo scripta est epistola Leonis adversus Hilarij.

II. Constituto itaque tempore istius synodi, inquirendum deinde est utrum fuerit generalis, an verò provincialis tantum. Illustrissimus Archiepiscopus ostendit in libro sexto istius operis fuisse generalem, ob eam videlicet causam, quòd in ea adfuerint Episcopi & Metropolitani diversarum provinciarum, de quibus componendis agitur in variis canonibus istius Concilij. Cui observationi potest addi, ex canone xvi. (quem maxime referemus) videri datam Leoni occasionem invehendi in Hilarium, quem videbat efferentem se paulò nimis supra collegas suos, ad exarchicam auctoritatem tendere magnis passibus, cùm palam & aperte se gereret ut Primas Episcoporum Gallicorum.

III. Hilarius enim, postquam repetitis actibus possessionem suam pro congregandis Conciliis stabiliverat, respiciens fortassis ad canonem sextum Nicænum, quod Patriarcharum auctoritatem consuetudine & longo annorum usu firmatam eterna lege solidatam esse voluit, ne quid deinceps dubietatis ex hoc capite oriri posset inter Episcopos, ad hæc inquam fortassis respiciens Hilarius, sibi consentiu decretumque Episcoporum confirmari in Concilio illo Arelatensi procuravit auctoritatem in cuius possessione erat. Decretum itaque est ut quoties Arelatensis Episcopus synodum generalem congregaret, ad eam singuli Episcopi ab eo evocati teneantur accedere, nisi infirmitate impedirentur; & si quis adesse negligeret, aut abscederet ante finem Concilij, is alienus à communione esset, nec ei quisquam communaret donec in sequenti synodo fuisse absolitus. Hæc sunt verba synodi: *Ad Arelatensis Concilij. Arelatensis Episcopi arbitrium synodus congreganda: ad quam urbem ex omnibus mundi partibus, preci- pue Gallicanis, sub sancti Marini tempore legis- mus celebratum fuisse Concilium atque conven- tum. Si quis commonitus infirmitatis causa defuerit, personam vice sua dirigat. Si quis autem adesse neglexerit, aut cœtum fratrum antequam Concilium dissolvatur crediderit deferendum, alie- natum sè à fratribus communione cognoscat; nec cum recipi liceat, nisi in sequenti synodo fuerit absolutus.* Adnotat porrò heic illustrissimus Archiepiscopus calidum esse canonis istius consilium; qui ita conceptus est, ut dicere prima fronte videatur Concilium Arelatense primum fuisse congregatum auctoritate Marini Episcopi Arelatensis; cùm tamen certum sit convocatum fuisse ab Imperatore Constantino. Sed quærebatur ab Hilario exemplum vetus adepta potestatis, seu verum illud, seu falsum, modò veri speciem haberet. Nam ut in æstatibus auctoritatem senectus habet, quemadmodum observatum est à Tullio, sic in exemplis antiquitas. Et ubi vetustatis auctoritas queritur, grandioribus decet exemplis uti, quòd facilius homines perfaudentur.

IV. Haud ita multò post incidit occasio gravis, qua ingentium motuum causa fuit. Nam Hilarius, postquam primatus ejus per Gallias sine controversia esse visus est, provincias visitans jure metropolitico, cùm accessisset ad sanctum Germanum Autissiodorensem Episcopum, inaudivis sentque Vesontionenses illum in vicinia esse, flammata, ut ait auctor vita Hilarij, *ad utrumque nobis in Chronol. San- lium & mediocrius studia convolarant, adstruc- tes Chelidonum (Vesontionensis Episcopus erat) internuptam suo adhibuisse consortio, &*

Vita Hilarij edita in Chronol. San- lium & mediocrius studia convolarant, adstruc- tes Chelidonum (Vesontionensis Episcopus erat) internuptam suo adhibuisse consortio, &

seculari administratione perfunditum capitali ali-
quos condemnasse sententia. Manifestum erat
Chelidonium non posse esse Episcopum, si
ista vera erant. Itaque Hilarius coacta pro
munere suo synodo, cum accusatio testimo-
niis confirmata fuisse, Chelidonium monuit
ut sententiam in se ipse diceret, neve expe-
ctare veller episcopale judicium; nolenter
verò obsequi canonum dispositioni dejectum à
fede episcopali, ut docent sanctus Leo & ve-
tus codex M S. monasterij Iurense à Chiffle-
tio laudatus. Chelidonus verò, qui fortassis
sciebat suspectam Leoni esse effusam illam
Hilarij potentiam, Romam se contulit, ibi-
que se injusto iudicio dejectum esse conque-
stus est apud Summum Pontificem.

V. Sciens ista Hilarius, Chelidonium se-
cutor est, non ambitioso comitatu septus,
nullis impedimentis, non rheda non equo ve-
etus; sed ingressus iter pedibus, in equum
omino non ascendit; ut vel hinc colligi
posset nihil intra Gallias ab eo præsumptum
esse amore gloria, sed studio tantum tuenda
dignitatis Ecclesia Arelatensis. Romæ posi-
tus, primum Apostolorum ac Martyrum me-
morias invisit, deinde Leonem, *cum reveren-
tia impendens obsequium, & cum humilitate de-
poscens uo Ecclesiarum statum more solito ordina-
ret, adstruens aliquos apud Gallias publicam me-
rito excepisse sententiam & in Urbe sacris alta-
ribus in eresso.* Venisse se, non tanquam ac-
usatorem, nec ut causam diceret, sed ut ju-
dicium sub præsentia sua factum familiari
apud Leonem suggestione sive sermone do-
ceret legitimum fuisse, ne qua fraus ei subri-
peret. *sed ad officia non ad causam venisse; prote-
standi ordine, non accusandi, que sunt acta fugi-
gere.* Addidit verba que haud dubio Leoni
visa sunt plena contumacia, nimurum non
toleraturum se ut sententia adversus Cheli-
donium lata retractaretur. Nam his verbis
aperte ostendere videbatur non passurum se
causas concordibus Episcoporum suffragiis
definitas in provinciis Gallicanis rursum ju-
dicari apud apostolicam sedem, & si Cheli-
donius absolvetur à Synodo Romana post
dejectionem suam, non tamen habiturum se
illum pro Episcopo, neque communionem ei
suam impertiturum. Vnde illa Leonis quere-
la, Hilarium Ecclesiarum statum & concor-
diā Sacerdotum novis præsumptionibus turbavit, & sic Gallicanos Episcopos sue
cupiisse subdere potestati ut se beato Petro
Apostolo non pateretur esse subiectum, cu-
jus reverentiam verbis arrogantioribus mi-
nuerat. Nam hæc sunt ipsa Leonis verba,
digna profectō quae referantur, cum ex his
colligi possit quantum fuerit in hac causa Leo-
nis dolor. Sed hunc tramitem semper inter ma-

jores nostros & bene tentum & salubriter confi-
tum Hilarius Ecclesiarum statum & concor-
diā Sacerdotum novis præsumptionibus turbatu-
rus excessit, ita sue vos cupiens subdere potestati
ut se beato Apostolo Petro non patiatur esse subje-
ctum, ordinaciones sibi omnium per Gallias Ec-
clesiarum vindicans, & debitam Metropolitanis
sacerdotibus in suum jus transferens dignitatem,
ipsius quoque beatissimi Petri reverentiam verbis
arrogantioribus minuendo.

V I. Congregata synodo ob eam causam, ad eamque vocatus Hilarius, adfuit quidem, sed ea mente, quemadmodum colligitur ex epistola Leonis, ut non fineret judicium suum retractari, multa haud dubie prolocutus de suprema auctoritate Conciliorum provincialium, quæ retractari nullo modo possent si nihil dubietatis aut controversie emersisset inter Episcopos judges, adeoque Chelidoni causam, quæ concordi Gallicanorum Episcoporum decreto judicata fue-
rat, in Romana synodo retractari non posse. Hic est enim, ut ego arbitror, sensus verborum Leonis, dum ait Hilarium, cum nihil rationabile haberet quod in Concilio Sacerdotum respondere posset, in ea verba eru-
pisce quæ nullus laicorum dicere, nullus Sacerdotum posset audire. Hic est tumor men-
tis quem Pontifex Hilario objicit. Absolutus itaque est in Romana synodo Chelidonus, non tamen ab Hilario susceptus, qui ejus communione conjungi nullatenus adque-
vit, ut docet ejus vitæ auctor.

V II. In eodem Concilio Romano nova
adversus Hilarium proposita querela est, quod Projecto videlicet Episcopo infirmo &
nescienti alium superponuisse Episcopum,
invisus civibus, idque in aliena provincia. Ac-
cepérat Leo literas à Projecto, quibus dolorem suum testabatur, itēque epistolam ci-
vium, ipsius Projecti & numerosa singulo-
rum subscriptione firmatam, invidiosissimis
contra Hilarium querimoniis plenam, quod
Projecto Episcopo suo agrotare liberum non fu-
sset, ejusque sacerdotium in alium preter suam
notitiam esse translatum, & tanquam in vacuum
possessionem ab Hilario pervasore heredem viven-
tis inducunt.

V III. Tertia adversus Hilarium propo-
sta querela est, quod videlicet militaris eum
manus per provincias sequeretur, illum verò
armati praefidij præsumptione suffultum in-
vadere per tumultum Ecclesiās quæ proprios
amiserint Sacerdotes, ac sic offici publici
ministerio ignotos invitis populis Episcopos
dari. Testatur istud Leo in eadem epistola, &
legitur etiam in Novella constitutione Va-
lentiniani III. lata pro confirmando isto
Leonis adversus Hilarium iudicio. Sic enim
loquitur